



ՀԱՅՐ ՄԻՇԵԼ ՔԵՆԵԼ

(Աստվածաբանության դասախոս)

ԻՆՉՊԵՍ ԿԱՐԴԱԼ ԱՎԵՏԱՐԱՆԸ*

ՍՈՒՐԲ ՄԱՐԿՈՍ

51. ՊԱՅՇԱՌԱԿԵՐՊՈՒԹՅՈՒՆԸ

(Մարկ. Թ 2—8)

- Թ 2 Վեց օր հետո Հիսուս իր հետ վերցրեց Պետրոսին, Հակոբոսին և Հովհաննեսին ու առանձին նրանց հանեց մի բարձր լեռան վրա և նրանց առաջ պաշտառակերպվեց:
- 3 Եվ նրա պգեստները փալցուն, խիստ սպիտակ դարձան, այնպես որ երկրի վրա ոչ մի լվացք անող չի կարող այդքան սպիտակեցնել:
- 4 Եվ նրանց երևաց Եղիան՝ Մովսեսի հետ մեկտեղ, ու նրանք խոսում էին Հիսուսի հետ:
- 5 Պետրոսը Հիսուսին պատասխանեց և ասաց. «Ռաբբի՛, լավ է, որ մենք այստեղ լինենք և երեք տաղավարներ շինենք, մեկը՝ քեզ, մեկը՝ Մովսեսի, և մեկը՝ Եղիայի համար»:
- 6 Սակայն չգիտեր, թե ինչ էր խոսում, որովհետև զարհուրած էին:
- 7 Եվ մի ամպ նրանց վրա հովանի եղավ. ամպից մի ձայն եկավ, որ ասում էր. «Դա՛ է իմ սիրելի Որդին, դրա՛ն լսեցեք»:
- 8 Եվ հանկարծակի այս ու այն կողմ նայելով՝ այլևս ոչ մի տեղ ոչ ոքի չտեսան, բայց միայն Հիսուսին՝ իրենց հետ:

Մովսեսը լեռ բարձրացավ,

Եվ ամպը ծածկեց լեռն այդ:

Իջավ փառքն Աստուծո

Սինա լեռան վրա,

Եվ ամպն այն ծածկեց վեց օր.

Յոթներորդ օրը ամպի միջից

Տեքը կանչեց Մովսեսին:

(Ելից ԻԴ 15—16)

Ելից գրքի այս հատվածը, որտեղ նկարագրված է Մովսեսի և Աստուծո միջև տեղի ունեցած հանդիպումներից մեկը Սինա լեռան վրա, օգնում է մեզ հասկանալու այն ձևը, որով ավետարանիչները ներկայացնում են պաշտառակերպությունը: Վեց օրերը, լեռը, Մովսեսը, ամպը, այս բոլորն արդեն կա Ելից գրքի հիշյալ հատվածում: Մարդկային լեզվում չկան բավարար բառեր՝ նկարագրելու համար այնպիսի արտասովոր մի փորձառություն, ինչպիսին ապրում են Պետրոսը, Հակոբոսը և Հովհաննեսը: Հին աստվածաշնչական ավանդության բառերը դարձյալ մնում են լավագույնները:

Մովսեսը միակ անձը չէ, որ ներկա է Հիսուսի կողքին: Նրանից առաջ հիշատակվում է Եղիան՝ 9-րդ դարի մարգարեն, որի մասին Մարկոսն արդեն խոսել է և որը, ինքը ևս, Սինայի սուրբ լեռան վրա առանձնաշնորհյալ մի հանդիպում էր ունեցել Տիրոջ հետ: Հալածվելով Հեղաբեկ թագուհու կողմից, որը սպանել էր տալիս մարգարեներին մեկը մյուսի ետևից, նա փախել էր դեպի անապատ և հասել մինչև այն լեռը, որտեղ, երեք դար առաջ, Մովսեսը խոսել էր Աստուծո հետ: Եվ այնտեղ, իր հերթին, նա հանդիպել էր նրան: Տեքո, սակայն, ո՛չ

* Հարունակված «Էջմիածին» ամսագրի 1986 թվականի № № Բ—Թ-ից:

ամայրուպի, ո՛չ երկրաշարժի և ո՛չ էլ կրակի մեջ էր, այլ՝ մի մեղմ պեփուռի շնչի մեջ (Ա Թագ. ԺԹ 1—12):

Այսպես, Մովսեսն ու Եղիան այն երկու երևելի անձերն են Սինայի լեռան վրա, որտեղ Աստված հայտնվում է: Մովսեսը՝ օրենսդիրը, ներկայացնում է այն օրենքը, որ Աստված տվեց Իսրայելին: Եղիան ինքը խորհրդանշի՞ն է մարգարեական հոսանքի: Նրանք երկուսով ներկայացնում են «Օրենքը և Մարգարեները», մի արտահայտություն, որով հրեաները նշում են իրենց սուրբ գիրքը, այն, որ քրիստոնյաները կոչում են «Հին կտակարան»: Եղիայի և Մովսեսի հետ խոսող Հիսուսը իրոք Քրիստոսն է, որը լրացնում է սուրբ գրվածքները:

Գալով այն լեռան, որտեղ տեղի է ունենում դեպքը, այնքան էլ կարևոր չէ, թե որտեղ է գտնվում: Սուրբ Երկրի ուխտավորները պայծառակերպության տոնը նշում են Թաբոր լեռան վրա, որը ներդաշնակ ուրվագծերով բոլորակաձև մի գագաթ է՝ Նապարեթին մոտիկ: Մարկոսի աշխարհագրական տվյալը ավելի շուտ մտածել է տալիս Հերոնի բարձունքներից մեկի մասին, որը շատ ավելի կարևոր մի լեռնաշղթա է Փիլիպպյան Կեսարիայի մոտերքում: Սակայն ավետարանում պայծառակերպության վայրը ամենից առաջ տիպական լեռն է, նոր Սինային, այն բարձրագույն վայրը, որտեղ Աստված հայտնվում է իր փառքը: Դեպքը կարող է տեղի ունեցած լինել մի քանի մետր բարձրություն ունեցող մի բլրակի վրա. այստեղ լեռան աստվածաբանական տարրողությունն կարևոր է, քան նրա բարձրությունը:

Պետրոսը, Հակոբոսը և Հովհաննեսը այս բացառիկ հայտնության երեք վկաներն են լինում: Հետագայում, Գեթսեմանի գյուղում, նրանք պիտի լինեն այն անձինք, որոնց Հիսուս իր հետ է տանում աղոթելու, վերջին ժամին, երբ վճռվում են նրա վերահաս չարչարանքները (Մարկ. ԺԴ 32—42): Իսկ ավելի վաղ, նա նրա՛նց էր իր հետ վերցրել ու մտել ննջեցյալ դեռատի աղջկա սենյակը, Հայրոսի տանը, որտեղ նրանք վկա էին եղել աղջկա հարությանը (Մարկ. Ե 21—43):

Ցանկերկուսի մեջ նրանք այն աշակերտներն են, որոնց Հիսուս ամենից ավելի է վստահում իր կյանքի ամենադժնդակ պահերին: Պետրոսը միակն է այստեղ, որի խոսքերը մեջ են բերված երկնքից լավոր խոսքերի հետ միասին: Ցանկանալով վանել իր սարսափը՝ նա դիմում է Հիսուսին «Ռաբբի», «Տեր իմ» սովորական բառերով, որոնցով հրեա մարդը դիմում է իր մեծա-

վորին: Նա առաջարկում է պատրաստել երեք տաղավարներ, որոնք կարող են հիշեցնել թե՛ ուխտի տապանակը անապատում երթալեցիների կեցության ժամանակ և թե՛, ընդհակառակը, շատ սովորական մի բնակարան, որը Հիսուսին, Մովսեսին և Եղիային կոներ նվազ տպավորիչ կյանքի պայմանների մեջ: Աշակերտների վախը մի տեսակ սրբապան սարսափ է, որ Պետրոսը փորձում է ամեն կերպ մեղմացնել:

Արդ, երկինքը պատասխանում է Պետրոսին՝ առավել ևս զգալի դարձնելով Աստուծո ներկայությունը: Սկզբնապես երկնքում երևացող սպիտակությանը (համար 3) այժմ ավելանում է մի ամպ, որը հիշեցնում է Ելքի օրերին երևացող ամպը և որը ամբողջապես ծածկում է նրանց (համար 7). ապա երկնքից լավում է մի ձայն, որի խոսքերը հիշեցնում են այն խոսքերը, որ Հիսուս լսել էր իր մկրտության ժամանակ (Մարկ. Ա 9—11): Երեք աշակերտները միանգամից մխրձվում են երկնային աշխարհի սրտում, որտեղ նրանց հայտնվում է Հիսուսի խոր ինքնությունը: Նրա մասին այժմ նրանք գիտեն այնքան շատ բան, որքան այն դևերը, որոնք նրա անունն էին կանչում ավետարանի սկզբում, հենց որ տեսնում էին նրան (Մարկ. Ա 21—28 և Ե 1—20): Մի վայրկյանի համար նրանք մոտք են գործում խորհրդի աշխարհը:

Ինչո՞ւ այս առանձնաշնորհումը, և ինչո՞ւ հենց այս պահին: Որովհետև Հիսուսի մոտավոր չարչարանքները անկասկած ահավոր մի փորձություն պիտի լինեն նրանց համար: Ավետարանիչն արդեն ցույց է տվել, թե ինչպես Պետրոսը մերժում է այդ փորձությունը իր ամբողջ ուժով (Մարկ. Ը 31—33): Հետագայում նա ցույց պիտի տա Պետրոսին իր Տիրոջ ուրանալիս (Մարկ. ԺԵ 66—72): Անտարակույս Հիսուսի մահն անխուսափելի է, բայց Աստված լավ գիտի, թե որքա՛ն ծանր պիտի լինի այդ մահը աշակերտների համար: Ուստի նա նրանցից երեքին տալիս է ամենաուժեղ վենքերը՝ հաղթահարելու համար իրենց թուլությունը:

Երկնային ձայնը լուծում է հետևյալ բառերն արտասանելուց հետո. «Լսեցե՛ք դրան» (համար 7): Դա նշանակում է. «Այժմ դուք ունեք այն, ինչ հնարավոր է՝ կարողանալ լսելու համար չարչարանքների հայտնությունը. թող դրանք ձեզ չփախտեցնեն, դուք բավականաչափ բան գիտեք նրա մասին, որպեսզի չկորցնեք ձեր հույսը»:

Եվ երբ ավետարանիչը նկարագրում է այս դեպքը իր ընթերցողների համար, այս նույն բանն է ասում նրանց իրենց սեփական մտքով մասին:

52. ՍՈՒՐԲ ԳՐՎԱԾՔԻ ԹԱՔՈՒՆ ՄԵԿ ԵՐԵՍԸ (Մարկ. Թ 9—13)

- Թ 9 Եվ մինչ լեռնից իջնում էին, նա պատվիրեց նրանց, որ իրենց տեսածը մարդու չպատմեն, մինչև որ մարդու Որդին մեռելներից հարություն առնի:
- 10 Նրանք այս խոսքը իրենց մտքում պահում և միմյանց հարցնում էին, թե ի՞նչ է մեռելներից հարություն առնելը:
- 11 Ապա հարցրին նրան ու ասացին. «Այն ի՞նչ է, որ դպիրները ասում են, թե նախ Եղիան պետք է գա»:
- 12 Պատասխանեց նրանց և ասաց. «Եղիան նախ պիտի գա և ամեն բան հաստատի. իսկ ինչո՞ւ մարդու Որդու մասին գրված է, որ շատ չարչարանքներ պիտի կրի և անարգվի:
- 13 Բայց ես ասում եմ ձեզ, որ Եղիան եկավ, և նրան արեցին, ինչ որ կամեցան, ինչպես որ գրված է նրա մասին»:

Ինչպես ամեն անգամ, երբ իր պորությունը հալոսի է դառնում, այս անգամ էլ Հիսուս, լեռնից իջնելիս, որտեղ տեղի էր ունեցել պայծառակերպությունը, պահանջում է զաղտնապահություն և, ներկա դեպքում, խոստում է ստանում այդ մասին: Եկեղեցին Չատկից հետո միայն տեղյակ պիտի դառնա, թե ինչ է տեղի ունեցել լեռան վրա Հիսուսի ու նրա երեք աշակերտների միջև: Եվ նա այդ եղելության լուրը պիտի փոխանցի Հարության փորձառության լույսի տակ:

Պետրոսը, Հակոբոսը և Հովհաննեսը, սակայն, ամբողջովին խռովվել-շփոթվել են այն ամենից, ինչ կատարվել է Փիլիպպյան Կեսարիայում հարյուրապետի խոստովանությունից ի վեր: Նրանք այնպես են շփոթվել, որ ամեն տեսակ անհեթեթ հարցեր են ուղղում միմյանց մեռելների հարության մասին: Սակայն հարությունը ընդունված մի բան է փարիսեցիների հոսանքի և ապա նաև այդ ժամանակաշրջանի հրեաների մեծամասնության կողմից: Հերովդեսն ինքը հավատում է դրան, նա, որ վախենում էր, թե Հովհաննես Մկրտիչը կարող է վերակենդանացած լինել (Մարկ. 2 14—16): Ինչպե՞ս աշակերտները կարող են հարց տալ իրար, թե ինչ բան է դա:

Մեսիայի չարչարանքների հայտնությունը, թվում է, խախտել է նրանց ամբողջ վստահությունը: Այն վախն էլ, որ նրանք պահին լեռան վրա, ոչինչ չփոխեց: Նման հարվածներից հետո այլևս ոչ մի բան անխախտ չի մնա նրանց հոգում: Այնպիսի սքանչելի մի պատմող, ինչպիսին Մարկոսն է, ցայտուն կերպով վեր է հանում այն ավերը, որ

աշակերտների սրտում գործում է տառապանքի և փառքի այդ պայթուցիկ խառնուրդը:

Պետրոսը և նրա երկու ընկերները, ամբողջապես տազնապաժ, կառչում են այն բանից, ինչ կարծում են, թե գիտեն սուրբ Գրվածքներից: Մի պահ պատկերացնենք նրանց հետևյալ բառերը թոթովելիս. «Բայց չէ՞ որ մեզ ասել են, թե Եղիան վերադառնալու է նախքան վերջնական վերականգնման ժամանակը հասնելը»: Նրանց ուսուցանող դպիրները իհարկե նրանց սովորեցրել են Մաղաքիայի այս պատգամը.

Եվ ահա ուղարկում եմ ես ձեզ

Եղիա մարգարեին,

Քանի դեռ չի եկել

Տիրոջ օրը մեծ և երևելի:

(Մաղաքիա Գ 23)

Բոլորը ծանոթ են Մարկոսի ավետարանի այդ հատվածին (տես Մարկ. 2 14—16): Հիսուս ընդունում է Եղիայի առաքելության այդ կողմը, բայց նա այն լրացնում է մի բանով, որ մարդիկ հեշտությամբ մոռանում են: Եղիան նոր ժամանակների նախակարապետը լինելուց առաջ հրեա ժողովրդի մեծերի կողմից իրավաձև մի մարգարե եղավ, և ավնիվ մարդիկ թույլ տվեցին, որ նա հալածվի: Սուրբ Գրվածքը այդ էլ է ասում:

Նույն բանը կարող ենք ասել նաև Իսրայելի պատմության մեջ արդար մարդկանց մեծամասնության համար՝ Հին Կտակարանի ո՞ր մասին էլ որ դիմենք: Քսաներկուերորդ Սաղմոսն այդ արտահայտում է սրտաձմիկ բառերով.

Իսկ ես յորդ եմ և ոչ թե մարդ,

Նախատինք մարդկանց և խնարգանք

ժողովրդյան:

Բոլոր ինձ տեսնողները ծաղրում էին ինձ,

Շրթներով խոսում ու շարժում գլուխներն

իրենց:

(Սաղմոս ԻԲ 7—8)

Իսկ Եսայու գրքում նկարագրված է Աստուծո ծառայի ողբերգական վիճակը.

Անարգված և մարդկանց երեսից ընկած,

Հարվածների տեր, ցավերի համբերող

եղավ.

Այնպիսի մեկը, որից երես են թեքում.

Անարգված մեզից և ոչինչ համարված:

(Եսայի ԾԳ 3)

Այսպիսին է սուրբ Գրվածքի անփոփոխ վկայությունը: Եղիան այդ դրությունից չի խուսափել, եթե նույնիսկ չի մեռել ողբերգա-

կան ձևով: Ավելի ուշ, Հովհաննես Մկրտիչն իր հերթին նույնպիսի հալածանքի ենթարկվեց այս աշխարհի մեծերի կողմից: Անկասկած նրա՛ն է անկարկում տեքստը Հիսուսի բերանով, եթե նույնիսկ չի տրվում նրա անունը. «Շղիան եկավ, և նրան արեցին, ինչ որ կամեցան» (համար 13): Տարբեր չափով լինի նաև մարդու Որդու դրությունը:

Շփոթահար երեք աշակերտներին Հիսուս բացահայտել է տալիս սուրբ Գրվածքի թաքուն մեկ երեսը, այն, ինչ բոլոր ժամանակների աշակերտները անընդհատ ուղում են մոռանալ, որովհետև այն համատեղելի չէ Աստուծո մասին իրենց ունեցած գաղափարի հետ և իրենց դեմ է վկայում:

53. ԼՈՒՍՆՈՏ ԵՐԵՆԱՅԻ ԲԺՇԿՈՒՄԸ (Մարկ. Ը 14—29)

- Ը 14 Եվ աշակերտների մոտ գալով՝ նրանց շուրջը տեսան մեծ բազմություն և դպիրներ, որոնք վիճում էին նրանց հետ:
- 15 Եվ իսկույն ամբողջ ժողովուրդը, երբ տեսավ նրան, վարմացավ և, ընդառաջ վազելով, ողջույն էր տալիս նրան:
- 16 Եվ նա հարցրեց նրան. «Ինչի՞ մասին էիք վիճում նրանց հետ»:
- 17 Ժողովրդի միջից մեկը պատասխանեց և ասաց. «Վարդապետ, քեզ մոտ բերեցի որդուս, որին մի համր չար ոգի բռնել է.
- 18 և ուր հասնում է, նրան գետին է վարկում. փրփրում է, ատամներն է կլրձրտացնում և ապա չորանում մնում է: Բո աշակերտներին ասացի, որ հանեն, բայց չկարողացան հանել այն»:
- 19 Նա պատասխանեց նրանց և ասաց. «Ո՛վ անհավատ ազգ, մինչև ե՛րբ ձեզ հետ պիտի լինեմ, մինչև ե՛րբ պիտի հանդուրժեմ ձեզ. բերե՛ք նրան ինձ մոտ»:
- 20 Եվ նրան բերեցին իր մոտ: Երբ չար ոգին նրան տեսավ, իսկույն ուժգին ցնցեց տղային, որը, գետին ընկնելով, թավալվում էր ու փրփրում:
- 21 Հիսուս հարցրեց նրա հորը և ասաց. «Ինչքա՛ն ժամանակ է անցել այն օրվանից, ինչ այդ պատահել է նրան»:
- 22 Եվ նա ասաց. «Մանկությունից: Շատ անգամ չար ոգին կրակի և ջրի մեջ է նետում նրան, որ կործանի. արդ, եթե մի կերպ կարող ես, օգնի՛ր մեզ, Տե՛ր, գթալով մեզ»:
- 23 Եվ Հիսուս ասաց նրան. «Ասացի՛ր՝ եթե կարող ես. ամեն ինչ հնարավոր է նրա համար, ով հավատում է»:
- 24 Երեխայի հայրը իսկույն աղաղակեց և

ասաց. «Հավատում եմ, օգնի՛ր իմ անհավատությանը»:

- 25 Երբ Հիսուս տեսավ, որ ժողովուրդը իրար վրա է հավաքվում, սաստեց պիղծ ոգուն և ասաց. «Դ՛ն՛, հա՛մր և չա՛ր ոգի, ես եմ հրամայում քեզ, դո՛ւրս ելի՛ր նրանից և այլևս չմտնես դրա մեջ»:
- 26 Եվ չար ոգին ճչաց, ուժգին ցնցեց նրան և դուրս ելավ. և պատանին մեռելի պես եղավ, այնքան որ շատերը ասացին, թե մեռավ:
- 27 Հիսուս բռնեց նրա ձեռքից, վեր բարձրացրեց նրան, և նա ոտքի կանգնեց:
- 28 Եվ երբ Հիսուս տուն մտավ, աշակերտները, առանձին, հարցրին նրան. «Ինչո՞ւ մենք չկարողացանք հանել դրան»:
- 29 Եվ նա ասաց նրանց. «Այդ տեսակը ուրիշ բանով չի ելնի, եթե ոչ պահեցողությամբ ու աղոթքով»:

Ահա դարձյալ մի կենդանի պատմություն Մարկոսի ավետարանից, ոչ այնքան գրական, որտեղ բանավոր ավանդությունը համարյա նույն մակարդակի վրա է, ինչ որ գրվածքը: Պատմությունը թեև վատ է կառուցված, բայց լի է կենսունակությամբ: Հիսուսի և երեխայի հոր միջև տեղի ունեցող երկխոսությունը այն ժամանակ, երբ փոքրիկը ծանր տագնապի մեջ է գտնվում (համար 21—24), անշուշտ անպատեհ է, բայց միաժամանակ բոլորովին ճշմարտանման: Գրվածքը, այնպես, ինչպես շարադրված է, տպավորում է իր որակով և համարյա մեկնաբանություն չի պահանջում: Այսուհանդերձ կարող ենք ընդգծել որոշ երևույթներ՝ մեր հայացքը կենտրոնացնելով տարբեր դեռականությունների վրա:

Վերջին անգամ երբ Մարկոսը խոսում էր ամբոխի մասին, Հիսուս գտնվում էր հեթանոսական երկրում (Մարկ. Ը 34-ից Թ 1): Նա մի ճառ էր ուղղել ժողովրդին կյանքը կորցնելու անհրաժեշտության մասին, որպեսզի կարելի լիներ այն փրկել: Սակայն այստեղ ներկա են դպիրներ, ինչ որ ենթադրել է տալիս, որ նրանք վերադարձել են Հրեաստան: Ամբոխի վարմանը Հիսուսի վերադարձը տեսնելիս՝ հասկանալի է լինում միայն այս կոնտեքստում: Հիսուս մեկնեց հացերի առաջին բազմացումից քիչ անց (Մարկ. Զ 35—44)՝ մերժելով ուրիշ ամեն նշան (Մարկ. Ը 10—13): Երբ մարդիկ նորից են տեսնում նրան, ապշում են, ինչպես դա լինում է, երբ մարդ գտնվում է անսպասելի մի վերադարձի առջև: Ընդունելությունը լինում է ավելի քան ջերմ:

Հիվանդը բռնվել է մի համր չար ոգուց: Մարկոսի նկարագրած ախտանշանները ժամանակակից ընթերցողին թույլ են տալիս

նշել նրա հիվանդությունը, որը լուսնոտություն է: Ղևի համը լինելը, սակայն, պատճառ է դառնում, որ նա չխոսի: Հիսուսի դիմաց կանգնած՝ նա ոչինչ չի բացահայտում հակառակորդի ինքնության մասին, մինչդեռ մյուս պիղծ ոգիները այդ բանն անում էին (տես Մարկ. Ա 21—28, Ա 32—34 կամ Ե 1—20): Սա բավարարվում է՝ արտահայտելով իր անհանգստությունը և միաժամանակ հաղորդելով իր սաստիկ խռովքը այն մարմնին, որի մեջ ինքը բնակվում է (համար 20):

Երեխայի հայրը մի խեղճ մարդ է: Նրա դեմքից պոռթկում է անձկությունը: Նրա խնդրանքը բախվել էր աշակերտների անկարողությանը: Նա շատ վստահ չէ նաև Տիրոջ կարողություններին: «Եթե մի կերպ կարող ես...», ասում է նա Հիսուսին վճարատվածության և կանկաժի խառնուրդ հանդիսացող մի արտահայտությամբ (համար 22): Վերջին բառերն էլ, որ աղաղակով դուրս են գալիս նրա բերանից, արտահայտում են հավատի և թերահավատության նույն հակադրությունը (համար 24): Ճանաչելով իր սահմանները և օգնություն հայցելով՝ նա ցույց է տալիս այստեղ ճշմարիտ աշակերտի վերաբերմունք:

«**Պաշտոնական**» աշակերտները, ընդհակառակը, ինչքան ավելի էին վստահել իրենց սեփական ուժերին, այնքան հուսախաբ ու ձեռնթափ էին եղել, թեև նախապես իշխանություն էին ստացել պիղծ ոգիների վրա (Մարկ. Զ 7—13): Սակայն համը դեռ, թվում է, ավելի ուժեղ դիմադրականություն ունեն, քան մյուսները (համար 29): Շատախոս մի դեկ գոռում-գոչումներին կարելի է հակադրել խոսքի պորությունը, բայց երբ սատանան լռում է, Աստուծո հետ սրտից սիրտ հաղորդված լուռ աղոթքը միայն կարող է դառնալ ապոլու մի վենք: Համը դեռ միաժամանակ խոլ է (համար 25): Նրա վրա ուղղակի որևէ ազդեցություն ունենալ հնարավոր չէ: Սատանան երբեք այնքան վտանգավոր չէ, որքան երբ վերապահ է լինում. և նրա արարքն էլ դառնում է շատ ավելի ծածուկ:

Գալով Հիսուսին, բացի չարի վրա նրա ունեցած իշխանությունից և երեխայի հոր կրած տառապանքների նկատմամբ նրա ցուցաբերած ուշադիր մոտեցումից, գլխավորապես նրա հոգնությունն է, որ պագցվում է այս հատվածում: Հայտնի չէ, թե ներկա սերնդի անհավատության մասին նրա արած խիստ դիտողությունը ում է ուղղված՝ ամբողջի՞ն, դպիրների՞ն, թե՛ աշակերտներին, բայց այն արտահայտում է մի տեսակ հիասթափություն և հոգնություն: Հավատի դաստիարակությունը, որին նա ձեռնամուխ է

եղել սկզբից ի վեր, հաստատապես արդյունք չի տալիս: Մինչև վերջ նա պիտի մնա մենակ, և հետպիսեռ ավելի մենակ:

54. ԵՐԿՐՈՐԴ ՀԱՅՏՆՈՒԹԻՒՆ ՉԱՐՉԱՐԱՆՔՆԵՐԻ ԵՎ ՀԱՐՈՒԹՅԱՆ ՄԱՍԻՆ (Մարկ. Թ 30—32)

- Թ 30 Այնտեղից ելնելով՝ նրանք անցնում էին Գալիլայի միջով, և Հիսուս չէր կամենում, որ որևէ մեկն իմանա,
31 քանի որ իր աշակերտներին ուսուցանում էր և նրանց ասում. «Մարդու Որդին մատնվելու է մարդկանց ձեռքը, նրանք պիտի սպանեն նրան, և երբ նա սպանվի, երրորդ օրը հարություն պիտի առնի»:
32 Բայց նրանք չէին հասկանում այդ խոսքը և վախենում էին հարցնել նրան:

Այժմ Հիսուս տեղափոխվում է Գալիլիա առավելագույն զաղտնապահությամբ: Նա աներկյուղ հանձն է առնում գնալ չարահաշիվների ճանապարհով: Նա այլևս ոչինչ չունի ասելու խրալեղացի ժողովրդին, որը նշաններով ու խոսքով ստացավ այն, ինչ ստանալու էր: Ժողովրդական ամեն ցույց կարող էր նպաստել դեպի ետ մի վերադարձի, իսկ Հիսուս ցանկանում էր անարգել ընթանալ դեպի խաչը:

Նա երկրորդ անգամ իր աշակերտներին հայտնում է իր մոտալուտ մահվան և նրան հաջորդող հարության մասին: Նրա գործածած բառերը շատ մոտ են այն բառերին, որ նա արդեն օգտագործել է առաջին հայտնության ժամանակ (Մարկ. Ը 31—33): Տեղի է ունենալու նաև մի երրորդ հայտնություն (Մարկ. Ժ 32—34): Կրկնության այս երևույթը ցույց է տալիս հաստատ ու վճռական մի կեցվածք և շեշտում է դեպի Երուսաղեմ կատարվելիք ճանապարհորդության տարբեր հանգրվանները:

Սակայն աշակերտները այդպես էլ միշտ անհաղորդ են մնում իրենց ուղղված այս խոսքերին: Նրանք չեն կարողանում հաղթահարել իրենց հոգիները համակող անող տիրոջ վախի պագցումը, եթե նույնիսկ իրենց տիրոջ հարությունը երևում է հորիզոնում: Նրանք վախենում են հարց ուղղել Հիսուսին՝ մի բան իմանալու համար այդ մասին: Նրանց վերաբերմունքը հիշեցնում է այն, ինչ ժողովրդական արտահայտությամբ կոչվում է «ջայլամի քաղաքալանություն»*:

Միշտ էլ դժվար է աներկյուղ նայել վճարանգին, եթե նույնիսկ անկարելի է չդիմագրավել այն:

* «Ջայլամի քաղաքականություն վարել»՝ նշանակում է հրաժարվել վտանգը տեսնելուց:

55. ԼԻՆԵԼ ՍՊԱՍԱՎՈՐ (Մարկ. Թ. 33—37)

- Թ 33 Եկավ Կափառնայում և, երբ տուն մտավ, աշակերտներին հարցրեց. «Ճանապարհին իրար հետ ինչի՞ մասին էիք վիճում»:
- 34 Նրանք լուռ էին մնում, որովհետև ճանապարհին իրար հետ վիճել էին, թե ո՞վ է մեծը:
- 35 Եվ երբ նստեց, կանչեց Տասներկուսին ու նրանց ասաց. «Եթե մեկն ուզում է առաջին լինել, բոլորից վերջինը և բոլորի սպասավորը պիտի լինի»:
- 36 Եվ մի մանուկ վերցնելով՝ կանգնեցրեց նրանց մեջ և նրան իր գիրկն առնելով՝ նրանց ասաց.
- 37 «Ով մի անգամ այսպիսի մանուկներից մեկին ընդունում է իմ անունով, ինձ է ընդունում, և ով ինձ է ընդունում, ոչ թե ինձ է ընդունում, այլ նրան, ով ինձ ուղարկեց»:

Իր չարչարանքների և հարության մասին Հիսուսի արած հայտնություններին նրա աշակերտները միշտ հակադրում են այնքան վատ, ինչքան հնարավոր է: Առաջին հայտնությունից հետո Պետրոսն էր, որ միջամտել էր՝ տարհամոցելու համար Հիսուսին, որ ետ կանգնի այդպիսի դժվարին մի ճանապարհից: Այժմ էլ, ետ դեպի Կափառնայում տանող ճամփին, բավականին երկար թվացող բացակայությունից հետո, աշակերտների փոքրաթիվ խումբը վիճում է առաջնության մասին: Նրանց մտահոգությունը ծիծաղելի է և նույնիսկ բոլորովին անպատշաճ. իրենց տերը պիտի ստորացվի, իսկ իրենք մտածում են միայն մեծարանքների մասին: Առադրելով այս հատվածը նախորդի հետ՝ Մարկոսը շեշտում է աշակերտների բացարձակ անհասկացողությունը:

Ավելին, աշակերտները իրենք իսկ պզուժ են իրենց հավակնոտությունը: Երբ Հիսուս հարցնում է նրանց, թե ի՞նչ է իրենց վեճի նյութը, նրանցից ոչ մեկը չի համարձակվում պատասխանել: Այն ժամանակ Հիսուս նստում է, կանչում Տասներկուսին իր մոտ և սկսում է քարոզել նրանց: Այս փոքրիկ տեսարանը ընդգծում է հանդիսավորությունը համայնքային այն ճառի, որ նա պիտի խոսի այն մասին, թե ինչպիսի վարվելակերպ պետք է ունենա ճշմարիտ աշակերտը:

Ճշմարիտ աշակերտը կամովին գրավում է վերջին տեղը (համար 35): Դրանում են կայանում նրա ավելության միակ նշանները: Այդպես վարվելով՝ նա սոսկ ընդօրինակում է իր տիրոջը, նրան, ով ընտրել է նվաստացուցիչ մահվան ճանապարհը:

Ճշմարիտ աշակերտը վարվում է ինչպես սպասավոր և ոչ ինչպես ղեկավար: Եվ Հիսուս, խոսքը գործին միացնելով, ցույց է տալիս իր սերը մի մանկիկի նկատմամբ, որի տարիքը մարդկանց աչքին արհամարհելի է դարձնում նրան: Հնադարում երեխաների նկատմամբ բնավ չի եղել այն հոգատարությունը, որ նրանց հանդեպ ցույց է տալիս արդի հասարակությունը: Դեռևս Կուրկ լինելով խոսելու և մտածելու կարողությունից՝ նրանք համարվել են անարժեք, աննշան էակներ:

Մարկոսի ավետարանում Հիսուս երկու անգամ երեխաների հանդեպ ցույց է տալիս մասնավոր մի հետաքրքրություն, որ բոլորովին անսովոր է թվացել իր ժամանակակիցների աչքին: Երկրորդ անգամ (Մարկ. Ժ 13—16) նա երեխաներին որպես օրինակ է բերում՝ հայտնելու համար, որ նրանք ավելի լավ են ընդունում Աստուծո թագավորությունը, քան մեծահասակները: Այս անգամ, սակայն, նրա մտադրությունը բավականին տարբեր է. նա ոչ թե երեխաներին է առաջարկում որպես օրինակ, այլ իր սեփական վերաբերմունքն է, որ թելադրում է ընդօրինակել:

Արդարև, ընդունելով մի մանկիկի, Հիսուս խորհրդանշականորեն այն միտքն է արտահայտում, որ իր անձը դնում է ի ծառայություն բոլոր մարդկանց, նույնիսկ ամենափոքրերի: Նրա աշակերտները հրավիրվում են հետևելու իր օրինակին: Ծառայելով փոքրերին և տկարներին՝ նրանք իրապես կրնա՞նք Բրիստոսին. և թե՞ ընդունեն Բրիստոսին, Աստված ինքն է, որ եկած կլինի իրենց մոտ:

Մարկոսի այս հատվածը կապվում է ներկայացումների մի տեսակ շղթա. մարդկանց մեջ ամենախեղճը և ամենաարհամարհելին ներկայացնում է Բրիստոսին, իսկ Բրիստոսը ներկայացնում է Հորը: Բարյացակամություն և սեր ցուցաբերելով մեր եղբայրների նկատմամբ, Բրիստոսի միջոցով, մենք հանդիպում ենք Աստծուն:

56. ԳՈՐԾԵԼ ՀԱՆՈՒՆ ՔՐԻՍՏՈՍԻ (Մարկ. Թ. 38—42)

Թ 38 Հովհաննեսը պատասխանեց և ասաց. «Վարդապետ, տեսանք մեկին, որը քո անունով դներ էր հանում, բայց մեր ետևից չէր գալիս, և արգելեցինք նրան»:

39 Եվ Հիսուս ասաց. «Արգելք մի՛ եղեք նրան, որովհետև չկա մեկը, որ իմ անունով զորավոր գործեր անի ու կառողանա ինձ հայիոյել»:

- 40 քանզի ով մեկ հակառակ չէ, նա մեր կողմն է:
- 41 Եվ ով որ ձեզ մի բաժակ ջուր խմեցնի հանուն այն բանի, որ դուք Քրիստոսին եք, ճշմարիտ եմ ասում ձեզ, իր վարձը չպիտի կորցնի:
- 42 Եվ ով որ ինձ հավատացող այս փոքրիկներից մեկին զայթակդեցնի, նրա համար ավելի լավ կլինի, եթե նրա պարանոցից կախված լիներ էջի մի երկանաքար, և ծով նետվեր»:

Հստակ չէ, թե ինչպես այս հատվածը կապվում է նախորդի հետ: Հիսուս շարունակում է դեռ նստած մնալ և ուսուցանել իր աշակերտներին՝ հրավիրելով նրանց, որ իրենց անձը դնեն ի ծառայություն ամենաանշան մարդկանց (Մարկ. Թ 33—37): Թե՛ Հիսուսի միջամտությունը պարզապես հետազայում է տեղի ունենում: Երկուսն էլ հնարավոր են: Թվում է, թե Մարկոսը մեկը մյուսի ետևից վերախմբավորում է Հիսուսի ասած խոսքերը, որոնք սկզբնապես որևէ կապ չունեն իրար միջև՝ դրանցից յուրաքանչյուրը մոտեցված լինելով նախորդին պարզ այն պատճառով, որ այդ խոսքերի մեջ գոյություն ունի մի ընդհանուր հատկանշական բառ:

Հենց սա է, որ կոչվում է «ճարմանդ-բառեր»-ի կամ «կեռ-բառեր»-ի տեխնիկա: Այս ձևով իրար համապատասխանող բառերի կցումով կարող են կապվել խոսքերի շարքեր: Այսպես, նախորդ հատվածում կար հետևյալ նախադասությունը. «Ով մի անգամ այսպիսի մանուկներից մեկին ընդունում է իմ անունով, ինձ է ընդունում» (Մարկ. Թ 37): Արդ, Հովհաննեսի կողմից տրված հարցը և Հիսուսի պատասխանը իրար կապված են նույնպես Քրիստոսի անունով:

— «դներ հանել քո անունով» (համար 38).

— «պորավոր գործեր անել իմ անունով» (համար 39).

— «մի բաժակ ջուր խմեցնել հանուն այն բանի (այն բանի անունով), որ դուք Քրիստոսին եք» (համար 41):

Այսպես, խոսքերի վերախմբավորումով կապվում է մի ճառ: Այդ խոսքերը իրար միացնող կապը ոչ այնքան շոշափված նյութն է, որքան օգտագործված բառերը: Հիսուսի կողմից արտասանված նախադասությունները ուղղված են աշակերտներին: Դրանք կապում են Եկեղեցուն վերաբերող հանձնարարությունների մի ժողովածու, որն ավարտվում է աղի մասին առաձներով (Մարկ. Թ 50):

Փաստորեն, դիմելով հանդերձ աշակերտներին և նրանց միջոցով (սկսած Պետրոսի

խոստովանությունից) բոլոր նրանց, ովքեր Քրիստոսի անունն են տալիս (Մարկ. Ը 27—30), Հիսուս այստեղ գերազանցապես խոսում է ուրիշների մասին, ամեն մարդու մասին, որին Հովհաննեսի նման առաքյալը ձգտում է դուրս թողնել, որովհետև նա «մեր ետևից չէր գալիս» (համար 38):

Տրված հանձնարարությունները շատ հրատակ են. կարիք չկա մաս կապման Հիսուսի ուսմունքին տեղյակ քաջավարժ մարդկանց խմբին՝ Քրիստոսին պատկանելու համար: Մեկը, որ պաշարում է չարի դեմ Ավետարանի ոգով, չի կարող թշնամի լինել. «Ով մեկ հակառակ չէ, նա մեր կողմն է» (համար 40):

Այս բառերը առանձնահատուկ նշանակություն են ստանում, երբ ի նկատի ունենանք, որ Մարկոսը դրանք գրի է առել հալածանքների ենթարկված Հռոմի Եկեղեցու համար: Անհրաժեշտ հովանավորությունները կարող են ծնունդ տալ նահանջի, և ավետարանիչը հենց դրա դեմ է պայքարում: Եկեղեցին ակումբ չէ:

Հատվածի վերջում հիշատակվում են այլապես վերաբերմունքներ, որոնք կարող են ի հայտ գալ այն մարդկանց նկատմամբ, ովքեր պատկանում են Քրիստոսին: Այդպիսիներին ոչինչ մի բան տալ, թեկուզ մի բաժակ ջուր՝ խմելու, նշանակում է կատարել մի գործ, որ գիտակցաբար թե անգիտակցաբար, մարդուն մոտեցնում է Աստուծո թագավորությանը: Այստեղ ակամա մտածում են Մաթևոս ավետարանչի կողմից գծված վերջին դատաստանի մեծի պատկերի մասին.

Եկե՛ք, իմ Հոր օրհնյալներ...

Ծարավ էի, և ինձ ջուր տվիք՝ խմելու:

(Մաթևոս ԻԵ 34—35)

Դրան հակառակ, ով պատճառ է դառնում մի հավատացյալի անկման, ինչքան էլ փոքր լինի նա, հենց իրեն՝ Քրիստոսին է մերժում և դրանով էլ դատապարտում ինքն իրեն (համար 42): Եվ դա վերաբերում է որքան որսի մարդկանց վարմունքին՝ աշակերտների նկատմամբ. նույնքան և աշակերտների վերաբերմունքին՝ միմյանց միջև.

Ծարավ էի, և ինձ ջուր չտվիք՝ խմելու:

(Մաթևոս, ԻԵ 42)

57. ԿԱՏԱՐԵԼ ԱՆՀՐԱԺԵՇՏ

ՎԻՐԱՀԱՏՈՒԹՅՈՒՆՆԵՐԸ (Մարկ. Թ 43—49)

- Թ 43 «Եթե քեզ զայթակդեցնում է քո ձեռքը, կտրիր, դե՛ն գցիր քեզից, որովհետև քեզ համար ավելի լավ է խեղված մտնել հավիտենական կյանքը, քան թե երկու

- ձեռք ունենալ ու գնալ գեհեն, անշեշ կրակի մեջ:
- 45 Եվ եթե քո ոտքն է գայթակղեցնում քեզ, կտրի՛ր, քեզնից դե՛ն գցիր այն. լավ է, որ դու կաղ մտնես հավիտենական կյանքը, քան թե երկու ոտք ունենաս ու գեհեն ընկնես:
- 47 Եվ եթե քո աչքն է գայթակղեցնում քեզ, քաշի՛ր—հանի՛ր այն. լավ է, որ դու մեկ աչքով մտնես Աստուծո արքայությունը, քան թե երկու աչք ունենաս ու ընկնես գեհեն,
- 48 ուր նրանց որդը չի մեռնում, և կրակը չի հանգչում.
- 49 որովհետև ամեն մարդ կրակով պիտի աղվի»:

Աշակերտներին ուղղված Հիսուսի ճառը շարունակվում է. նախադասությունները միշտ միմյանց շղթայվում են «ճարմանդ-բառեր»-ի եղանակով (տես Մարկ. Թ 38—42): Նախորդ իատվածում օգտագործվել էր գայթակղեցնել բառը, որը երեք անգամ կրկնվում է այս հատվածում.

— «Ով որ ինձ հավատացող այս փոքրիկներից մեկին գայթակղեցնի...» (համար 42).

— «Եթե քեզ գայթակղեցնում է քո ձեռք...» (համար 43).

— «Եթե քո ոտքն է գայթակղեցնում քեզ...» (համար 45).

— «Եթե քո աչքն է գայթակղեցնում քեզ...» (համար 47).

Կրակ բառը նույնպես կրկնվել է մի քանի անգամ. այն խորհրդանշում է գեհենը և, բացի այդ, վերջին նախադասությունը կապում է մյուսներին.

— «Գնալ գեհեն, անշեշ կրակի մեջ» (համար 43).

— «Ուր... կրակը չի հանգչում» (համար 48).

— «Ամեն մարդ կրակով պիտի աղվի» (համար 49):

Գործածված բառերը խիստ են, և դրանցով կապված ճառն ունի պուշացման երանգ:

Այստեղ հիշատակվել են մարդկային մարմնի երեք անդամներ կամ օրգաններ, որոնք կարող են պատճառ դառնալ աշակերտի անկման՝ ձեռքը, ոտքը, աչքը: Ինչո՞ւ այս երեքը: Անկասկած դրանք խորհրդանշական իմաստ ունեն այն տեսակետից, որ մարդ գիսավորապես դրանց միջոցով է մեղանշում. գողություն, բռնություն, վատ ցանկություն: Մարկոսն արդեն տվել է չար գործերի մի ամբողջ շարք, որոնք մարդուն դարձնում են անմաքուր և որոնք կարող են ավելի կամ նվազ չափով կապվել մարմ-

նի այդ անդամներից մեկն ու մեկի հետ.

Ընտություն, պոռնկություն, գողություն, սպանություն, ագահություն, չարություն, նենգություն, գիշություն, չար նախանձ, հայհոյանք, ամբարշտականություն, անպատվություն: (Մարկ. Է 21—22):

Բացի այդ, ձեռքը, աչքը և ոտքը այն առանձնահատկությունն ունեն, որ պուշ են, և մարդ կարող է դրանցից մեկը կորցնել առանց լրիվ հաշմանդամ դառնալու: Դրանց թվարկումը մեկը մյուսի ետևից՝ առաջացնում է մի տեսակ կուտակումի հոետորական ապղեցություն, որ ընդունակ է գրավելու ունկնդրի ուշադրությունը:

Չափազանցությունը, արդարև, բացակա չէ պարադոքսային ձևակերպում ունեցող այս առածներից: Եկեղեցին դրանք բառացիորեն չի մեկնաբանել բնավ: Լեզուն պատկերավոր է, տեղ-տեղ կան հակադրություններ: Գեհենը, որը խորունկ և ոչ այնքան գրավիչ մի ձոր է Երուսաղեմից դեպի ներքև, որտեղ աղբ էին վառում և որտեղից շատ հավանաբար զարջելի հոտ էր դուրս գալիս, հակադրվել է կյանքին (համար 43 և 45) կամ Աստուծո Թագավորությանը (համար 47): Պետք է ամեն գնով խուս տալ դրանից, որովհետև դա ամբողջական կործանման վայր է, թեկուզ ի գին հաշմության, որով մարդ հրաժարվում է իր մարմնի վատ մասից:

Դրան հակառակ, կյանքը և Աստուծո Թագավորությունը (այս երկու բառերը այստեղ թվում են համարժեք) այն խաղաղումարն են, որի համար արժե զոհել իր ամբողջ ուժը ու եռանդը: Ամեն ինչ, որ մարդուն հեռացնում է դրանցից, վատ է: Ուստի արժե, որ այդ երկուսը դառնան դրական ընտրության առարկա, եթե նույնիսկ դրա համար մարդ ստիպված լինի, ինչպես ժողովուրդն է ասում, «կորցնել մի քանի փետուր»:

Կյանքը տխուր չէ, բայց լուրջ բան է: Պետք է այն ընդունենք որպես այդպիսին, որպեսզի, ինչպես Աստված ինքն է կամենում, այն հասցնենք հաջող վախճանի: Եվ այդ վախճանը անհունորեն ցանկալի է:

Այս հատվածի վերջին նախադասությունը՝ «ամեն մարդ կրակով պիտի աղվի» (համար 49), դժվար մեկնաբանելի մի նախադասություն է: Կրակը այրում և մաքրում է: Աստվածաշնչում դա դատաստանի ընթացիկ պատկեր է: Գալով աղին՝ համ տալու իր հատկությամբ այն կարող է արտահայտել նկարագիր ունեցող մի կյանքի համը: Այն պահպանում է նաև կերակուրները և հետեվաբար կարող է դառնալ ոչ-կորստական կյանքի խորհրդանիշ: Հայտնի է նաև կրակի վրա աղ ցանելու պաղեստինյան սովոր-

րությունը՝ կրակն արծարծելու նպատակով: Դժվար է ասել, թե ինչպես են գուգակցվում այստեղ կրակի և աղի խորհրդանշական իմաստները: Այն իմաստը, որը թվում է, թե ամենից ավելի է ներդաշնակվում նախորդ նախադասությունների հետ, հետևյալն է. ոչ ոք չի կարող խուսափել իր մեջ եղած կրակի որոշ ներգործությունից, ինի դա կորստյան վայրում ոչնչացնելու համար, ինի մաքրվելով իր անձը պահպանելու համար, ինչ որ Հիսուս արտահայտել է հենց նախորդ նախադասությունների մեջ՝ խոսելով անհրաժեշտ վիրահատությունների մասին:

Մարդ երբեք չի կարող ամբողջովին խուսափել կրակի ներգործությունից. նա նաև պետք է միշտ անցնի մահվան կամ անձնուրացության որոշ մի ձևից: Բայց կան մահեր, որոնք ելք չունեն, իսկ մահեր էլ կան, որ անհրաժեշտ ճանապարհն են ճշմարիտ կյանքի:

58. ԻՐ ՄԵՋ ՈՒՆԵՆԱԼ ԱՂԸ (Մարկ. Թ 50)

Թ 50 «Աղը լավ բան է. բայց եթե աղը անմահանա, ինչո՞վ պիտի համեմվի. արդ, դուք ձեր մեջ ունեցե՞ք աղը և իրար հետ խաղաղ եղե՞ք»:

Մարկոսը Հիսուսի բերանով ասված համայնքային այս ճառը եզրափակում է աղի հմասին մի քանի նախադասություններով: Այդ նախադասությունները նրան թելադրված են (միշտ շնորհիվ «ճարմանդ-բառեր»-ի եղանակի) այն ասությամբ, որով ավարտվում է նախորդ հատվածը. «Ամեն մարդ կրակով պիտի աղվի» (Մարկ. Թ 49):

Այժմ աղը հարգի մի բան է համարվում մանավանդ նրա համար, որ համ է տալիս կյանքին: Աշակերտները պետք է աղ ունենան իրենց մեջ, այսինքն՝ պետք է խուսափեն ամեն անմահությունից կամ ամեն գաղջությունից:

Դրա համար էլ նրանք հեռու պետք է մնան սխտեմատիկ բախումներից, որոնց հետ եկեղեցին գործ չունի բնավ: Աղը ոչ մի կապ չունի տաք խոսակցությունների կամ վեճերի «փշերի» հետ: Մարկոսը, ընդհակառակը, աղը գուգակցում է եղբայրական խաղաղությանը, ինչպես Պողոս առաքյալը, որը հետևյալն էր գրում նրանից մի քանի տարի առաջ.

Ձեր խոսքը թող լինի միշտ լի Տիրոջ շնորհով, ինչպես աղով համեմված, որպեսզի դուք իմանաք, թե ինչպես պետք է պատուխափ տաք յուրաքանչյուրին: (Կողոս. Դ 6):

59. ԱՄՈՒՍԵՐՆԵՐԻ ՄԻՈՒԹՅՈՒՆԸ (Մարկ. Ժ 1—12)

- Ժ 1 Հիսուս այնտեղից վեր կացավ, եկավ Հրեատանի սահմանները, Հորդանանի մյուս կողմը. և ժողովուրդը դարձյալ գնում-խոնավում էր նրա մոտ. և նա, ինչպես սովոր էր, նորից ուսուցանում էր նրանց:
- 2 Իսկ փարիսեցիները մոտեցան և նրան փորձելով հարց տվին ու ասացին. «Ներելի՞ է, որ մարդ իր կնոջը թողնի»:
- 3 Նա պատասխան տվեց նրանց և ասաց. «Մովսեսը ձեզ ի՞նչ պատվիրեց»:
- 4 Եվ նրանք ասացին. «Մովսեսը թույլ տվեց բաժանվելու թուղթ գրել և արձակել»:
- 5 Հիսուս պատասխանեց և ասաց նրանց. «Ձեր խստասրտության պատճառով գրեց այդ պատվիրանը ձեզ համար.
- 6 մինչդեռ արարչագործության սկզբից Աստված արու և էգ ստեղծեց նրանց»:
- 7 Եվ ասաց. «Դրա համար աղամարդը պիտի թողնի իր հորն ու մորը և պիտի գնա իր կնոջ ետևից:
- 8 Եվ երկուսը մի մարմին պիտի լինեն. և այլևս երկու չեն, այլ՝ մեկ մարմին:
- 9 Արդ, ինչ որ Աստված միացրեց, մարդը թող չբաժանի»:
- 10 Եվ աշակերտները տան մեջ դարձյալ նույնը հարցրին նրան:
- 11 Եվ նա ասաց նրանց. «Եթե մի մարդ արձակի իր կնոջը և ուրիշին առնի, շնություն արած կլինի»:
- 12 Եվ մի կին եթե թողնի իր ամուսնուն և ուրիշ մաշդու կին լինի, շնություն արած կլինի»:

Կախառնայումում իր խոսած ճառից հետո Հիսուս վերջնականապես հեռանում է Գալիլիայից: Նա այլևս չի վերադառնալու այնտեղ: Նա իջնում է դեպի հարավ՝ կտրել անցնելով վանական շրջաններ. Հուլայի երկիրը, որը հրեաներով բնակեցված մի գավառ է Երուսաղեմի շուրջը, ինչպես նաև Բերիան՝ հեթանոսական մի շրջան Հորդանան գետի արևելյան ափին: Նա ուսուցանում է թե՛ մեկ և թե՛ մյուս շրջանում: Երբ հարցը ուղղակիորեն կապված է նրա առաքելությանը, նրա վերաբերմունքը հեթանոսների նկատմամբ պզալի տարբերություն չունի հրեաների հանդեպ նրա ունեցած վերաբերմունքից:

Ամուսնայություն մասին հարուցված վեճը, որ Մարկոսը հիշատակում է այստեղ, անտարակույս տեղի է ունենում Բարայի երկրում, ինչպես այդ հաստատում է փարիսեցիների ներկայությունն այնտեղ: Սը-

րանք դժվար մի հարց են տալիս <խուսիս> «փորձելու համար նրան» (համար 2): Սրանք էլ նույն դիտավորությունն ունեն, ինչ որ այն փարիսեցիները, որոնք Դադմանունիայի շրջանում երկնքից մի նշան էին խնդրել նրանից (Մարկ. Ը 10—13):

Արդարև, <խուսիս> ստիպում են կողմնորոշվել մի հարցի մասին, բոլոր շատ էր ծեծվում մեր թվագրության առաջին դարում: Ամուսնալուծության մասին այն ժամանակ, ընդհանուր առմամբ, կային երկու դիրքավորումներ. մեկը հռչակավոր փարիսեցի Ռաբբի <իլլելի դիրքավորումն էր. սա ավելի ապատամիտ էր և ամուսնալուծությունը թույլատրում էր բավականին շատ դեպքերում: Դրան հակառակ, մի ուրիշ փարիսեցի մեծավոր՝ Ռաբբի Շամմայը, ամուսնալուծության հարցում ուներ ավելի խիստ մոտեցում. սա կանանց իրավունքները առավելագույնս պաշտպանելու մտահոգությամբ առաջնորդված՝ կնոջ արձակումը ընդունելի էր համարում միայն որոշակի պատճառներով, որոնք թվով շատ ավելի սահմանափակ էին: Ստիպել <խուսիս>, որ արտահայտվի այդ մասին, նշանակում էր կարողանալ, ըստ նրա պատասխանի, աշխատանքի նրան լինի հաջողողականության, լինի խստակցորենության մեջ և ամեն կերպ հեղինակապրկել նրա ուսմունքը: Փարիսեցիների այդ հարցը մի ծուղակ էր:

<Խուսու չի խաբվում սակայն: Նա տրված հարցը ետ իրենց վերադարձնում է՝ այն դնելով **պատվիրանի** մակարդակի վրա. «Մովսեսը ձեզ ի՞նչ պատվիրեց» (համար 3): Եվ իրենք իսկ ցույց են տալիս իրենց անհավատարմությունը Մովսեսին՝ վկայակոչելով **թույլատրության** հանգամանքը. «Մովսեսը թույլ տվեց...» (համար 4): Նրանց պահանջած թույլատրությունը արտահայտված է <ին Կտակարանի Երկրորդումն օրինաց գրքում>:

Եթե մեկը կին առնի և դառնա նրա ամուսինը, և եթե այնպես լինի, որ նա անարգ մի բան գտնի նրա վրա, և կինը հաճո չլինի իր աչքին, թող արձակման թուղթ գրի ու տա նրա ձեռքը և նրան արձակի իր տնից: (Երկրորդումն Օրինաց ԻԴ 1):

Ինչպես հաճախ, երբ հարցեր են ուղղում <խուսիս> հրեական ավանդությունների մասին, նա չի բավարարվում հաստատված պարագայական օրենքներով, այլ իր ունկնդիրներին ցույց է տալիս, թե ո՞րն է Արարչի կամքը: Նա նույն բանն արել էր նախապես շաբաթ օրվա կապակցությամբ (Մարկ. Բ 23—28): Այդպես էլ, ամուսնության և ամուսնալուծության վերաբերյալ, նա դիմում է արարչագործության պատմություններին Ծննդոց գրքում: Վեցերորդ օրը, երբ

երկիրը լցվում է կենդանիներով, գրվածքն ասում է.

Աստված ստեղծեց մարդուն ըստ իր պատկերի,
Ըստ Աստծու պատկերի ստեղծեց նրան,
Արու և էգ ստեղծեց նրանց: (Ծննդոց Ա 27)

Այս, քաջարվեստ մի գործողությունից հետո, որով Աստված քաջում-հանում է կնոջը տղամարդու կողից, վերջինս բացականչում է.

Սա այժմ ոսկր է իմ ոսկրից և մարմին՝ իմ մարմնից.

Սա կոչվելու է «կին»,
Քանզի իր մարդուց առնվեց սա:
(Ծննդոց Բ 23)

Եվ գրվածքը շարունակում է.

Դրա համար մարդը պիտի թողնի իր հորն ու մորը,

Պիտի գնա իր կնոջ ետևից,
Եվ երկուսը պիտի լինեն մեկ մարմին:
(Ծննդոց Բ 24)

Ստեղծագործական այս նպատակով է, որ <խուսու դիմում է իր խոսակիցներին: Նա դիրք չի բռնում ո՛չ <իլլելի և ո՛չ էլ Շամմայի կողմը, այլ ցույց է տալիս շատ ավելի խստապահանջ մի ճանապարհ՝ ամուսինների հիմնական միության ճանապարհը, որ փարիսեցիները մոռացել էին:

Մենակ մնալով <խուսիսի հետ՝ աշակերտները իրենց զարմանքն են արտահայտում նրա խոսքերի համար (համար 10): <Խուսու տարբեր բառերով նրանց կրկնում է այն, ինչ արդեն ասել է ուրիշներին (համար 11 և 12): Նա օրենքներ չի հաստատում, այլ նրանց առաջարկում է խորապես կրոնական մի վերաբերմունք, ըստ որի մարդը փորձում է հասնել լինել Արարչի ծրագրերին: Դա անհրաժեշտ պայմաններից մեկն է Աստուծո թագավորության:

60. ԼԻՆԵԼ ՄԱՆԿԱՆ ՊԵՍ (Մարկ. Ժ 13—16)

Ժ 13 Եվ նրա մոտ մանուկներ էին բերում, որպեսզի ձեռքը դնի նրանց վրա: Իսկ աշակերտները հանդիմանում էին նրանց, ովքեր բերում էին:

14 Երբ <խուսու այս տեսավ, բարկանալով սաստեց նրանց և ասաց. «Թույլ տվեք այդ մանուկներին գալ ինձ մոտ և արգելք մի՛ եղեք նրանց. որովհետև Աս-

տուծո թագավորությունը այդպիսինքնին է:

15 Ճշմարիտ եմ ասում ձեզ, ով Աստուծո թագավորությունը չընդունի որպես մատակ, նրա մեջ չի մտնի»:

16 Եվ նա նրանց վերցնելով իր գիրկը՝ նրանց վրա ձեռքը դրեց և օրհնեց նրանց:

Մարկոսի ավետարանում երկրորդ անգամ է, որ Հիսուս ցույց է տալիս իր բարեսրտությունը մանուկների հանդեպ: Նախորդ անգամ նա իր անձն էր բերում որպես օրինակ՝ մանուկներին ընդունելու և տկարներին ծառայելու իր ձևով (Մարկ. Թ 33—37): Այժմ նրանց է բերում որպես այն բանի օրինակ, որ նրանց հոգիները բաց են Աստուծո թագավորությանը: Այս հատվածի պատգամը տարբեր է:

Այն մարդիկ, որոնք մանուկներ են բերում Հիսուսին, ուզում են, որ նա դիպչի նրանց: Ինչո՞ւ այս ձգտումը: Մարմնական շփումը Հիսուսի հետ զարմանահրաշ բժշկությունների նպատակով, արդեն բազմիցս նշվել է Մարկոսի ավետարանում (Մարկ. Ա 40—45 կամ Ե 21—43): Այստեղ, սակայն, ներկայացվող մանուկները հիվանդ չեն թըվում: Ուրեմն հավանաբար հարցը վերաբերում է մի տեսակ նախապգուշական հպումի, պաշտպանական մի միջոցի, որպեսզի դժբախտությունները չհարվածեն նրանց:

Աշակերտները հակառակվում են ու չեն գանկանում, որ նրանք հարաբերություն ունենան Հիսուսի հետ, առանց որ գրվածքը որևէ բան ասի նրանց հակառակության դժբախտադրությունների մասին: Չգիտենք նույնիսկ, թե նրանք ո՞ւմ են փորձում հեռացնել՝ երեխաների՞ն, թե՞ նրանց բերողներին: Համենայն դեպս գրվածքում նրանք որոշակիորեն ներկայացված են որպես ժողովրդի ծրագրերին և Հիսուսի մտադրությանը հակառակվողներ: Եկեղեցին հաճախ պատվար է հանդիսանում իր Տիրոջ և դրսից եկող աղքատների կամ փոքրիկների միջև:

Հիսուսի խոսքերը անսպասելի մի հանդիսավորություն ունեն այսպիսի մի դրվագի համար, որը, վերջին հաշվով, բավականին հասարակ է: Երկու անգամ նա գործածում

է «Աստուծո թագավորություն» արտահայտությունը, որը նրա քարոզչության գլխավոր թեմաներից մեկն է (տես Մարկ. Ա 14—15):

Աստուծո թագավորությունը նրանց համար է, ովքեր նման են այս մանուկներին, ասում է նա (համար 14): Եվ նա ավելի ուժգնություն է տալիս այս խոսքին՝ հայտնելով, որ ամեն մարդ պարտավոր է ընդունել այդ թագավորությունը, ինչպես մանուկն է ընդունում այն (համար 15): Մանուկը այստեղ որոշակի կերպով հանդես է բերված որպես օրինակ, որին պետք է հետևել:

Կարող ենք հարց տալ մեզ, թե առաջին դարի մտայնությամբ, երբ փոքր տարիքի երեխաները որևէ արժեք չէին ներկայացնում հասարակության աչքին, մանկան մոտ ի՞նչն էր արժանի ընդօրինակվելու չափահասների կողմից: Նրա անմեղությունը, թարմությունը, զարմանալու ընդունակությունը, նրա նոր և աննախապաշար հայացքը կյանքի վրա: Անկասկածաբար քիչ այս բոլորը: Հարկավոր էր մանավանդ պոռնիկության մանկական հոգի ունենալու պատճառով մանկամիտ երևալու վտանգից:

Այն, ինչ Հիսուս որպես օրինակ ցույց է տալիս երեխաների մոտ, դա գուցե մանավանդ նրանց փոքրությունն է, նրանց աղքատությունը, այն նվաստ վիճակը, որ համարվում է անտեսվելու արժանի մի բան: Հիսուս ինքը արդեն երկու անգամ հայտնել է իր մոտալուտ նվաստացման մասին (Մարկ. Ը 31—33 և Թ 30—32): Նա հիսուսի մի դաս է տվել իր աշակերտներին, որոնք շատ էին տարված առաջին լինելու գանկությամբ (Մարկ. Թ 33—37): Որպես օրինակ բերելով մանուկներին, ցույց տալով իր սերն ու գորովը նրանց նկատմամբ և ձեռքը դնելով նրանց վրա (օրհնության տվորական մի ձև խրախուսողների մոտ), նա հրավիրում է ամեն մարդու՝ ընտրելու ալիքի շուտ խոնարհության և չքավորության, քան պատիվների ու մեծարանքների ճանապարհը:

(Շարունակելի)